



Synfocity = 530

mail us at : mzsynfo@gmail.com; mizoramsynod@gmail.com - Phone - 2314648

2nd April, 2015

□ Good Friday & Easter Programme

April 3, 2015 (Zirtawpni) hi Good Friday a ni a, April 4, 2015 (Inrinni) hi Harhna Thlen Ni a ni a, April 5, 2015 hi Easter Sunday a ni bawk. April 2, 2015 (Moundy Thursday) atangin Good Friday programme hi hman tan a ni ang. Presbyterian Kohhran chuan Good Friday, Harhna Thlen Ni leh Easter Sunday thupui hetiang hian an zirho ang :

April 2, 2015 (Ningani Zan/Maundy Thursday)

Thupui : Mi vênpuir rawh u
Chhiar tûr : Mt 26:36-46

April 3, 2015 (Zirtawpni) Good Friday Chawhma Inkhawm

Thupui : Kan tân kraws-a khenbeh a ni
Chhiar tûr : Mt 27:39-44

Chawhnu Inkhawm

Thupui : Kraws chu damna a ni
Chhiar tûr : Lk 23:39-43

Zan Inkhawm

Thupui : Temple puanzâr a thlêr
Chhiar tûr : Lk 23:44-46

April 4, 2015 (Inrinni Chawhma) Harhna Thlen Ni

Thupui : Harhna dik
Chhiar tûr : Sam 85:1-6

April 4, 2015 (Inrinni) Zan Inkhawm

Thupui : Harhna changtute nun
Chhiar tûr : Tirh 2:44-47

April 5, 2015 (Pathianni) Easter Sunday Chawhma Inkhawm

Thupui : Thihna chelh hlen rual loh – Isua
Chhiar tûr : Tirh 2:22-24

Chawhnu Inkhawm

Thupui : Kan hnênah awm ta che
Chhiar tûr : Lk 24:13-32

Zan Inkhawm

Thupui : Isua thawhleleh angin kan tho leh ang
Chhiar tûr : Phil 3:21

□ Good Friday Sakramen

Aizawl khawpui chhunga Pastor/Minister-te chu Good Friday Lalpa Zanriah Sakramen theh turin hmun hrang hrangah an insem darh a, Synod Puipate hun hman dan tur chu hetiang a ni ang:

- ♦ Rev. B. Sangthanga, Secretary (Sr.) - Bungkawn
- ♦ Rev. Lalramliana Pachuau, Finance Officer - Tuithiang
- ♦ Rev. Dr. R. Lalbiakmawia, Finance Officer - Upper Republic
- ♦ Rev. Lalzuithanga, Senior Executive Secretary - College Veng

□ Harhna Thlen Ni

April 4, 2015 (Inrinni) hi **Harhna Thlen Ni** a ni a, kumin hi kum 109-na a ni. Harhna Thlen Ni hi Kohhran hoten ni pawimawha telh ve duhin *Assembly* nih lai atang tawhin vawi tam tak *Synod* Inkhawmpuiin a rel a; mahse a passed mai lo va. Hun a kal zel a. *1981 Synod*-ah chuan Harhna Thlen Ni chu ni 4 nge ni 9 zawk tih thu-ah uluk zawka chhuia ngaihtuah turin *Synod Executive Committee (SEC)* chu ruat a ni a. *SEC* chuan *1982*-ah a thlen leh a. *1951 Assembly* lo rel tawh dante ngaihthlak a nih hnuin, "*Zorama Harhna lo thlen hmasakna ni chu April 4, 1906 a ni e, kan ti,*" tiin an rel ta a ni. Kum tinin April 4-ah Harhna champha lawmna inkhawm hman a lo ni ta a ni. Kum 2006-ah phei chuan Harhna thlen Centenary ropui takin kan lo lawm tawh a ni.

□ Zin

April 2 - 5, 2015 chhung hian Likabali Bial-a St. Peter's School, Arunachal West-ah Healing Crusade neihpui turin Dr. Robert S. Halliday, Superintendent, Synod Office a kal. Dr. Robert S Halliday hian April 7 - 10, 2015 chhungin Tato Bial, Arunachal West-ah Healing Crusade a nei chhunzawm nghal ang.

□ Synod Mission Board

- ♦ March 25 - April 6, 2015 chhung hian Patna, Jharkhand, Lucknow leh Delhi-ah te Field Committee nei turin Rev. P.C. Pachhunga, Executive Secretary i/c Ramthar leh Upa Denghmingthanga, BEC Member-te an kal.
- ♦ April 2 - 6, 2015 hian Manikbond-ah Ramthar Campaign leh Bial chhung tlawh turin Upa Lalrinmuana, Synod Mission Board Coordinator; Pu Lawmnakima Hmar, Ramthar Chanchinbu Circulation Manager leh Missionary trainees-te an kal.

□ MSSU

April 4, 2015 (Inrinni) hian Zemabawk Kohhranah Sunday School Zirtirtu Training neih a ni dawn a, hemi neihpui tur hian T.Upa Lalthahluna Ralte, MSSU Asst. Coordinator; Rev. C. Lianhmingthanga, Mission Vengthlang leh Pu R. Lalthmingthanga, Republic Vengthlang (MSSU Trainers) te an kal ang.

□ Synod Holiday-ah Synod Bookroom hawn a ni dawn

April 4, 2015 (Harhna Thlen Ni) leh April 6, 2015 (Easter Monday) hi Synod Holiday a ni a. Heng ni pahnihte hi school naupang leh nu leh pate'n school mamawh chi hrang hrang an lam hun vanglai tak a nih avangin Mizoram puma Synod Bookroom zawng zawngte chu mipui mamawhna hriain dawr an khar dawn lova, nilengin mamawh tan dawr theih a ni ang. Synod Bookroom hmun tam berah Textbook pawh a kimin lei tur a awm.

□ Hruaina Eng FM Radio & TV Programme

- ♦ **APRIL 3, 2015 (FM ZOAWI AIZAWL @ 7:30 P.M.)**

Thuchah : Rev.Lalzuithanga - Isua hmaah pilata tlanhhia

Solo : Laldusaki - Amah chu malsawmna hnar ani

- ♦ **APRIL 3, 2015 (FM LUNGLEI @ 7:30 P.M.)**

Thuchah : Rev.Lalzuithanga - Isua hmaah pilata tlanhhia

Solo : Laldusaki - Amah chu malsawmna hnar ani

- ♦ **APRIL 5, 2015 (Tv Programme) @ 3:00 p.m.) :**

Zaipawl : Dawrpui Vengthar Kohhran Zaipawl - Ngai teh, Pathian ni ropui, **Sermon** : Rev. Lalramliana Pachuau - Easter hlutna, **Zaipawl** : Laldusaki - Krawsah chuan thisen hlu a awm, **Playback** : Karbi Anglong Presbyterian Church Synod Hawna

Contd...

- **Susamachar Prasaran Programme**
 - ♦ **APRIL 5, 2015 (Pathianni) 5:00 pm. Hindi Gospel Programme (Susamachar Prasaran) :**
Group/Choir/Solo : Durtlang Masihi Sangati - Halleluia Chorus, **Group/Choir/Solo :** Sihphir Masihi Sangati - Halleluia stuti gayen ham, **Sermon :** Rev. David Lalramliana Ralte, **Group/Choir/Solo :** Govt Complex Kohhran - Anugrah Karii, **Group/Choir/Solo :** Dawrpui Vengthar Pastor Bial - Yesu Masih
- **Synod Office khar**
 April 3 & 6, 2015 hi Good Friday leh Easter Monday a ni a, Synod Office Pui leh Synod Department hrang hrang office-te khar a ni ang.
- **Moderator Programme**
 Synod Moderator Rev.Lalrinmawia chuan tunkar tawpah hetiang hian hun a hmang ang :
 - ♦ April 2, 2015 (Ningani) Zan : Suangpuilawn North Kohhran
 - ♦ April 3, 2015 (Zirtawpni) Chawhma : North Khawlek Kohhran
 - ♦ April 3, 2015 (Zirtawpni) Chawhnu : Vanbawng Kohhran
 - ♦ April 3, 2015 (Zirtawpni) Zan : Suangpuilawn Kohhran
 - ♦ April 4, 2015 (Inrinni) Zan : Sawleng Hmuntha Kohhran
 - ♦ April 5, 2015 (Pathianni) Chawhma : Darlawn Chhim Veng Kohhran
 - ♦ April 5, 2015 (Pathianni) Chawhnu : Sawleng Kohhran
 - ♦ April 5, 2015 (Pathianni) Zan : Darlawn Kohhran

MIZORAM PRESBYTERIAN CHURCH SYNOD
2014 - 2015
HMUHNA LAM KHAIKHAWMNA
APRIL 1, 2014 - MARCH 31, 2015

| 2014-2015 DINHMUN | | | | | KUM HMASA NENA KHAIKHINNA | | |
|-------------------|----------------------|----------------------------|---------------------------|-----------------------------------|------------------------------------|--------------------|----------------------|
| Budget Head | 2014-2015 Budget | 2014-2015 Hmuh zawng zawng | Budget Khumna/ phak lohna | Budget Khumna/ phak lohna percent | Nikum 2013-2014-a hmuh zawng zawng | Nikum hmuh khumna | Nikum khumna Percent |
| Pastoral | 883,216,000 | 857,945,368 | -25,270,632 | -2.86 | 735,494,210 | 122,451,158 | 16.65 |
| Mission | 654,577,000 | 665,525,164 | 10,948,164 | 1.67 | 594,342,559 | 71,182,605 | 11.98 |
| Total | 1,537,793,000 | 1,523,470,532 | -14,322,468 | -0.93 | 1,329,836,769 | 193,633,763 | 14.56 |

RAM PUM HUAP TAWNGTAI RUAL THUPUI

Synod Executive Committee 255:62 of 24-26.2.2015 chuan khawvel ram hrang hranga Kristian tihduhdahna leh nekchepna hnuaiia kun mekte tan ram pum huapa tawngtai rual neih ni se tiin a rel a. A hun atan **April 4, 2015 (Inrinni) Zan Inkhawm** a ruat baw a ni. Tawngtai rual thupui a hnuaiia tar lante hi a theih anga sawi zau emaw sawi fiah emaw a tul chuan Kohhran Committee-in buatsaih mai ni se. Heta tarlan bak hi Kohhranin tul a tih angin telh mai ni se.

Sawifiahna

India ram chhungah hmun hrang hrangah Kristian-te'n beih leh nek chop kan taww mek a. Kumin chhung ngei pawh hian Jabalpur, Madhya Pradesh-ah te, Mumbai, Maharastra-ah te, Biak In hal a ni a, Haryana-ah te Biak In suasamna leh Kraws suasamna te a thleng a, kraws dahna hmuna Hanuman lim dah luihsak te an taww a. Mangalore-ah Catholic rawngbawlitu Nun te ruk bo a ni a, pawngsual te an taww a. Central India hmun hrang hrangah Kristian school thenkhatte Kristian chhinchhiahna an siamte avangin tihbuai leh vau an ni baww a. Karnataka-ah Hindu firfiak pawl VHP ten Kristian-te an tibuai reng a, nasa takin an nek chop a. Hetiang thil hi India ram hmun hrang hranga Kristian-te laka a thleng reng chung hian sawrkar atangin ngaihsak leh humhalh an hlawh lo hle a ni.

Khawvel hmun hrang hrangah Kristian-te hian ngaimawh kan hlawh hle baww. Kumin chhung hian Muslim firfiakte kut an tuar nasa taww hle a ni. Pakistan-ah Biak Ina tawngtai lai thih chilh bomb nena beih an ni a. Middle East huam chhungah nunna tam tak lak a ni taww. Nunau thlengin zuah an ni lo va, Bible hal leh Biak In nghaisak te chu nitin a thleng. Muslim firfiak ISIS te chuan mamawh leh ralthuam tuak nan mihring taksa bung pawimawhte sumdawn nan hmangin Kristian-te chu sa talhin an talh reng a. Hetiang atan hian Kristian taww phawt chu ruk bo tur an vai reng a ni. An hmeichhiate an pawngsual a, an that a, an kal leh taksa bung hrang hralh theih apiangte an la thin baww. Syria, Lybia leh Egypt-ah te an che na em em reng a ni. Kristian-te hmunpuia kan ngaih thin USA leh UK-ahte ngei pawh Kristian nihna tihlan khapna hmun tam tak a awm ta mek baww.

INDIA

- India mi Kristian khawvel ram hrang hranga awm intel khawmten Kristian tihduhdahna titawp tura India sawrkar an daww mek tihhlawhtlin a nih theih nan
- Prime Minister Narendra Modi-an hnam leh sakhaw tenau zawkte humhim a tiam ang ngeia Kristiante hum him an nih theih nan
- India rama Kristian huat bikna a reh theih nan

KHAWVEL HMUN DANG

- Ram tinin sakhaw hrang hrangte thlei bik nei lova an en theuh theih nan
- Tihduhdahna tuar mek Kristian-ten rorelna dik tak an hmuh theih nan
- Khawvel puma Kristian-te nghehna leh inpumkhatna atan

KHAIKHAWMNA

- Tiduhdahtute Pathian khawngaihnaa hneha an awm theih nan
- Mihring leh mihring inngaisak duhna thinlung a lo bo theih nan
- Sakhaw dangte ang bawka Kristian-te'n zalenna an neih ve theih nan